



Mahein Nia Lian No. 21, 21 Jullu 2011

Dezenvolvimentu Polisia Nasional Timor-Leste (PNTL)

Introdusaun

Iha tinan klaran 2006 institusaun sigurasan iha Timor-Leste naksobu no Timor oan sira foti kroat ba malu no ema lubuk balun mate no mos lubuk boot liu mos sai desloka ba kampu refujiadu iha Dili laran no fatin sira seluk. Institusaun PNTL no FALINTIL-Força Defesa Timor-Leste (F-FDTL) iha momentu neba labiban halo kontrolu siguransa tuir mandatu ne'ebe iha. Ikus mai rezulta ema barak mak viola regra ordem publika no hakat liu lei no fo biban ba forsa nasaun seluk halo intervensaun.

Depois krize 2006, Timor-Leste hahu hikas hadia nia institusaun siguransa no PNTL ho FALINTIL-Força Defesa Timor-Leste komesa halo nia kna'ar fali. Iha biban ida ne'e Fundasaun Mahein (FM) liu husi Mahein nia Lian no 21, hakarak debate konaba rekursu humanu no dezenvolvimentu PNTL, edukasaun no formasaun, rekrutamentu PNTL no mos esplika konaba promosaun PNTL no infraestrutur, ne'e sorin ida. Sorin seluk FM nia lian ne'e mos halo analiza konaba obstaklu ba dezenvolvimentu PNTL hosi implementasaun lei no ordem, rekursu humanu no ikus liu taka ho polisia komunitaria nia kna'ar.

Rekursu Humanu no Dezenvolvimentu PNTL

Situasaun real Timor-Leste krizi politika no militar iha tinan 2006, PNTL tenki entrega poder ba UNPOL liu husi Akordu Suplementar iha loran 1 Dezembru 2006, atu lori hikas situasaun ba normalidade tamba konsidera institusaun PNTL labele halo nia knaar iha momentu neba.¹

Husi apoiu UNPOL ba PNTL iha faze tolu ba dezenvolvimentu PNTL mak premeiru faze hahu ka inisiu, sigundu faze konsilidasaun no terseiru faze rekonstrusaun. Husi faze sira ne'e UNPOL nian papel boot tebes atu rekonstrui institusaun PNTL inklui apoiu lojistika mai husi UNMIT. Hafoin ida ne'e UNPOL tenki entrega hikas poder ba PNTL faze por faze hahu

¹ Akordu Suplementar. Dili 01 Dezembru 2006.

husi Distritu Lautem, ikus liu Distritu Dili no formalmente hahu husi 28 Marsu 2011 PNTL tenki responsabiliza siguransa iha teritoriu tomak Timor-Leste.²

Tabela PNTL simu Responsabilidade Siguransa husi UNPOL

No.	Distritu	Estatutu simu Responsabilidade siguransa	Numeru Diretiva	Total Numeru PNTL	Feto	Mane
1	Lautem	Hand-over iha 14 Maiu 2009	01/2009	144	33	111
2	Oecussi	Hand-over iha 30 Juñu 2009	02/2009	118	33	85
3	Manatuto	Hand-over iha 25 Jullu 2009	03/2009	110	21	89
4	Viqueque	Hand-over iha 05 Dezembru 2009	05/2009	138	27	111
5	Ainaro	Hand-over iha 12 Abril 2010	01/2010	102	21	81
6	Baucau	Hand-over iha 16 Abril 2010	02/2010	172	54	118
7	Liquisa	Hand-over iha 07 Setembru 2010	03/2010	99	26	73
8	Ermera	Hand-over iha 10 Setembru 2010	04/2010	130	29	101
9	Aileu	Hand-over iha 21 Setembru 2010	05/2010	90	21	69
10	Manufahi	Hand-over iha 24 Setembru 2010	06/2010	107	15	92
11	Dili	Hand-over iha 27 Marsu 2010	09/2011	454	92	362
12	Bobonaro	Hand-over iha 27 Marsu 2010	05/2011	133	42	91
13	Covalima	Hand-over iha 27 Marsu 2010	04/2011	126	30	97
Total Numeru PNTL iha Distritu				1923	1480	443

Fontes: Monthly Government Report-March 2011. UNMIT Government.

UNPOL kontinua apoiu ba PNTL depois entrega poder ba PNTL, liu husi *Joint Development Plan* fokus ba area lima mak lejislasaun, treinamentu, administrasaun, disciplina no

² Fontes Entrevista husi UNPOL. Loron 14 Juñu 2011

operasaun. ³ Maibe sai prekupasaun ba PNTL mak rekursu humanu, infraestrutur, ekipamentu no fasilidade sira seluk atu apoiu servisu polisiamentu,⁴ ne'e sorin ida.

Iha sorin seluk, apoiu mai husi koperasaun bilaterais hanesan Japaun ba formasaun polisiamentu komunitaria atu haberan kapasidade pesoal polisia komunitaria, treinamentu espesial ba Unidade Grupo Operasaun Espesial (GOE), Kompañia Siguransa Pesoal (CSP) tipu treinamentu ne'ebe oferese husi Guarda Nacional Republicana (GNR) husi Portugal mak hanesan manutensaun ordem publiku, serku limpeza no treinamentu operasaun espesial nune'e mos koperasaun bilaterais sira seluk hodi apoiu ba dezvoltamentu rekursu humanu hodi administra no jere instituisaun PNTL.⁵ Inklui kapasidade atu komanda PNTL iha area operasaun nian ne'ebe fornese siguransa ba komidade.

Iha kontestu instituisaun PNTL Rekursu humanu kontinua sai hanesan obstaklu ba prosesu dezvoltamentu instituisaun atu fornese siguransa ne'ebe diak ba komidade. Tamba ne'e atu fornese siguransa ne'ebe efektivu presiza edukasaun no formasaun ne'ebe adekua no fasilidade ne'ebe naton atu fasilita servisu polisiamentu. Alem de ida ne'e jestaun ne'ebe diak atu jere rekursu hotu-hotu iha servisu polisiamentu nian. Hanesan transforte, komunikasaun, ekipamentu polisiamentu no fasilidade sira seluk, ne'e sorin ida. Iha sorin seluk, formasaun ba area servisu nian hanesan administrasaun, jestaun, formasaun espesialista ba polisiamentu, investigasaun, planeamentu, operasaun inklui formasaun sira seluk ne'ebe profesionaliza servisu PNTL nian.⁶

Dadus Estatistika Numeru PNTL iha Komando Distrital no Unidade sira iha Komando Jeral PNTL nian Kompara ho Numeru Populasaun.

Distritu	Total Populasaun ⁷			Total Polisia ⁸		
	Total	Mane	Feto	Total	Mane	Feto
Aileu	44.325	22.902	21.423	91	70	21
Ainaro	59.175	30.183	28.992	100	79	21
Baucau	111.694	56.374	55.320	168	114	54

³ Fontes Entrevista husi UNPOL. Loron 14 Juñu 2011

⁴ Fontes Entrevista husi PNTL. Loron 20 Juñu 2011

⁵ Entrevista ho Adjunto Diretor Rekursu Humanu, Polisia Nasional Timor-Leste. Loron 16 Juñu 2011

⁶ Entrevista ho Nelson Belo. Diretor Fundasaun Mahein (FM). Kuarta 06 Juñu 2011


⁷ Sensus Populasaun no Uma-Kain.2010.p25

⁸ Departamentu Rekursu Humanu PNTL. Dadus Estatistika Numeru PNTL. 16 Juñu 2011

Bobonaro	92.049	45.915	46.134	122	81	41
Cavalima	59.455	29.982	29.473	125	96	29
Dili	234.026	124.388	109.638	443	351	92
Ermera	117.064	59.099	57.965	131	102	29
Lautem	59.787	29.404	30.383	142	110	32
Liquica	63.403	32.240	31.163	94	68	26
Manatuto	42.742	21.844	20.898	102	82	20
Manufahi	48.628	25.060	23.568	106	92	14
Oecusse	64.025	31.831	32.194	119	87	32
Viqueque	70.036	34.976	35.060	136	110	26
Unidade sira iha PNTL				Total	Mane	Feto
Quartel Geral				318	240	78
Dep. Imigrasaun				76	64	12
Sentru Formasaun Polisia				83	72	11
Gabineti Interpol				8	8	0
Unidade Patrollamentu				259	245	14
Unidade Espesial Polisia				465	445	20
Unidade Maritima				58	56	2
Unidade Servisu Espesial				3	2	1
Grand Total	1.066.409	544.198	522.211	3149	2574	575

Fontes: Departamentu Rekursu Humanu PNTL, 16 Juñu 2011

Simbulos ka Giaun ba PNTL iha Unidade no Departamentu sira.



Fontes: Polisia Eskuadra Komoro, 06 Juñu 2011

Simbolu Komando Jeral PNTL no Unidade sira iha PNTL nia laran

- ❖ Simbolu Komando Geral PNTL
- ❖ Simbolu Konsellu Superior PNTL
- ❖ Simbolu Gabinete Sentral INTERPOL Timor-Leste
- ❖ Simbolu Unidade Espesial Polisia
- ❖ Simbolu Unidade Patrullamentu Fronteira
- ❖ Simbolu Servisu Investigasaun Kriminal

- ❖ Simbolu Komando Operasaun Espesial
- ❖ Simbolu Unidade Polisia Maritima
- ❖ Simbolu Informasaun Polisia
- ❖ Simbolu Batallaun Ordem Publika
- ❖ Simbolu Servisu Imigrasaun
- ❖ Simbolu Departamentu Tranzitu no Siguransa Rodovaria
- ❖ Simbolu Kompañia Siguransa Pesoal
- ❖ Simbolu Departamentu Polisia Komunitaria
- ❖ Simbolu Sentru Formasaun Polisia

1. Edukasaun no Formasaun

Iha prosesu dezenvolvimentu kapasitasaun ba rekursu humanu atu hasa'e koñesementu no kapasidade nesesariamente atu hala'o tuir dinamika dezenvolvimentu instituisaun nian. Iha relatoriu ne'e hare ba prosesu formasaun ba membru PNTL tamba edukasaun baziku nudar edukasaun ne'ebe transforma husi komunidadade jeralmente sai hanesan polisia. Nune'e mos edukasaun no formasaun transforma sai profesional, obdese ba instituisaun, ba lalaok polisiamentu ho problema sosial inklui problema humanitaria.

Formasaun ka treinamentu nudar hasa'e kapasidade iha area polisiamentu nian hanesan rekursu humanu, administrasaun, investigasaun, operasaun, tranzitu, intelejensia no sira seluk. Koñesementu no kapasitasaun ba PNTL importante tuir ejiensia tempu tamba PNTL nudar mahein no servidor ne'ebe besik ho komunidadade.

Esforsu lubun boot ida husi governu no komando PNTL mak koperasaun ho governu Australia liu husi *Australia Federal Police* (AFP), formasaun lideransa, formasaun polisia investigasaun no formasaun ba komunikasaun ka informasaun iha rai laran no iha rai liur.⁹ Nune'e mos formasaun baziku ba polisiamentu husi Guarda Nacional Republicana (GNR-Portugal) no formasaun ka treinamentu ba Unidade Espesial Polisia nian.¹⁰ Inklui formasaun polisia komunitaria hamutuk 21 iha Japaun.¹¹ Formasaun ofisiais PNTL iha Indonezia no iha Filipina hamutuk nain hitu kompostu na'in 1 estuda konaba pilotazen, na'in 5 estuda konaba kriminologi no na'in 1 estuda konaba jestaun rekursu humanu.¹²

⁹ Jornal Timor Post. Kinta, 19 Maiu 2011.p16

¹⁰ Entrevista ho Anacleto Ribeiro. Loron 16 Juñu 2011.

¹¹ Suara Timor Lorosa'e. Tersa, 17 Maiu 2011.p1&11

¹² Entrevista ho Adjunto Diretor Rekursu Humanu, Polisia Nasional Timor-Leste. Iha loron 16 Juñu 2011

Numeru estudante ne'ebe estuda konaba pilotajen iha Filipina FM kestiona katak futuru karik governu Timor-Leste sosa helikoptru ba PNTL, hare ba rekursu humanu ne'ebe prepara dadauk ona. Nune'e husi preparasaun ne'e signifika ba futuru iha ona sinal ba militerizasaun instituisaun PNTL. Karik ho helikoptru ne'ebe hola atu uza ba saida ka atu forma unidade polisiamentu ba unidade aero nian. Iha sorin seluk, helikoptru ne'e nesesariu duni ba PNTL atu hala'o nia misaun nudar implementador lei no ordem. Karik hola duni, helikoptru hira mak governu sei hola ba Instituisaun PNTL, oinsa kondisaun minimu governu prepara ona, oinsa manutensaun ba helikoptru hirak ne'ebe sei hola?

2. Promosaun

Lei Organika Polisia Nasionál Timor-Leste ne'ebe aprova liu husi Dekretu Lei No.9/2009 iha lora 18 fulan Feveiru, preve iha artigu 42 katak Rejime Kareira no Promosaun sei regula ho diploma rasik ida.¹³ Ho baze legal ne'ebe iha governu dekreta ona Dekretu Lei N.º 16 /2009 de 18 de Marsu konaba Rejime Promosaun Polisia Nasional Timor-Leste nian. Dekretu lei ne'ebe lori mudansa ba postu ka diviza polisiamentu.

¹³ Dekretu Lei N.º 16 /2009 de 18 de Marsu. Konaba Rejime Promosaun Polisia Nasional Timor-Leste nian

Kategoria sira ba Postu PNTL nian.

Kategoria Sira	Postu Sira
Ofisial Superior	Komisariu Superintendente Xefe Superintendente Superintendente Asistente
Ofisial Inspetor	Inspetor Xefe Inspetór Inspetor Asistente
Sarjentu	Sarjentu-Xefe Primeiru-Sarjentu Sarjentu
Ajente	Ajente Xefe Ajente Prinsipal Ajente

Fontes: Dekretu Lei N.º 16 /2009 de 18 de Marsu Rejime Promosaun Polísia Nasional Timor-Leste Nia

Postu/ Diviza PNTL nian husi Komisariu to'o Ajente



Fontes: Edisaun 1. Seguransa: Media informasaun no Komunikaun Sekretaria Estadu ba Siguransa. Outubru 2010 (Promosaun ba PNTL: Prosesu, Rejultadu ho Implementasaun)

Dadus Estatiska PNTL nian 2011 tuir Nivel Diviza iha Unidade no Departamentu sira iha Komando Jeral PNTL no Komando Distrital, tinan 2011.

Distritu	Komisariu	Supr. Xefe	Supert.	Supr. Asist.	Insp. Xefe	Insp.	Insp. Asist.	Sarj. Xefe	1 ^o Sarjentu	Sarjentu	Ajente Xefe	Ajente Prinsipal	Ajente	Total
Aileu			1	1	1		6	3	2	14	37	24	2	91
Ainaro			1	1	1	1	2	2	1	10	35	39	7	100
Baucau		1	1		1	1	2	8		13	72	57	12	168
Bobonaro			1	1	1	1	4	3	3	13	51	36	8	122
Covalima			1	1		3	3	6	1	13	43	42	12	125
Dili		1	1		3	1	14	7	6	43	168	115	84	443
Ermera			1	1			3	8	2	14	48	43	11	131
Lautem			1	1		4	8	3	1	24	47	49	4	142
Liquisa			1	1	1	1	1	4	1	10	33	25	16	94
Manatuto			2		2	1	7	2		8	32	40	8	102
Manufahi			1	1		1	3	4		12	39	36	9	106
Oecusse			1	1	1	4	2	2	1	6	39	50	12	119
Viqueque			1	1	2	1	1	6	1	8	46	57	12	136
Unidade														
Quartel Jeral	2	7	6	4	11	16	30	27	6	38	88	50	32	318
Sentru For.Polisia		1	1		7	6	14	6	4	8	24	10	2	83
Dep. Imigrasaun			1		1	1	5		1	11	40	12	4	76
Gabineti Interpol					1		1		1	2	2	1		8
Unidade Patrullamentu				1		1		4		19	97	110	27	259
Unidade Especial Polisia		1	1	1	1	2	12	7	9	48	214	106	63	465
Unidade Maritima				1	1		3		1	3	28	14	7	58
Unidade Servisu Especial					2		1							3
Grand Total	2	11	23	17	37	45	122	102	41	317	1183	916	332	3.149

Fontes: Departamentu Rekursu Humanu PNTL, 16 Juñu 2011

Bazeia ba Dekretu Lei Nu. 16/2009 Ioron 8 Marsu, Sekretaria Estadu Siguransa harii Komisaun Promosaun kompostu husi Timor oan, Portugal, Malaizia, Australia, Nova Zelandia no halo verifikasaun ho instituisoens kompetente sira hotu hanesan Ministeriu Publiku, Tribunal, Panel Avaliasaun, ne'ebe involve mos Nasoens Unidas sira. Husi prosesu promosaun to'o rezultadu final hetan lamentasaun husi elementu PNTL.¹⁴ Iha iregularidade ne'e tamba husi Dekretu Lei ne'e fo kompetensia liu ba Sekretaria Estadu Siguransa la involve komando PNTL no komando PNTL so fo deit informasaun liu husi departamentu rekursu humanu no justisa. Prosesu promosaun ne'ebe liu dadauk mosu lamentasaun no konfuzaun entre elementu PNTL no komisaun promosaun. Mosu lamentasaun tamba involvimentu husi komando PNTL la masimu nune'e mos lamenta mos ba rejultadu ne'ebe fo sai tamba elementu barak mak la pasa ezame iha prosesu promosaun nia laran.¹⁵ Maibe husi rejultadu ezame ba promosaun iha mos aktus balu ne'ebe komete husi elementu PNTL no la iha koñesementu ba lei sira ne'ebe diak, tamba ne'e prejudika ba sira nia kareira promosaun, ne'e sorin ida.¹⁶

Iha sorin seluk, FM rekomenda katak prosesu promosaun tuir mai involvimentu husi komando PNTL tenki maka'as tamba komando PNTL mak hatene liu prosesu tomak iha PNTL nia laran no rekursu ne'ebe mak komando PNTL prepara atu hetan diviza ne'ebe merese elementu PNTL hetan. Iha sorin seluk implementasaun lei rejime promosaun hodi hatur lolos prosesu promosaun tuir lei rejime promosaun haruka.

Iha rejime promosaun PNTL nian difini katak promosaun wainhira elementu PNTL ida hetan promosaun iha modalidade promosaun nian mak Antiguidade, Eskolla, Nomeasaun no Kazu Esepsional.¹⁷ Relatoriu ida ne'e hare mos ba prosesu promosaun ne'ebe liu dadauk ona, frakeza boot ida mak elementu ne'ebe promovidu ona la iha formasaun ba diviza ne'ebe elementu ne'e hetan. Mesmu elementu ne'e nivel edukasaun superior grau lisensiadu ka baxarelatu maibe la iha formasaun ba postu ka diviza ne'ebe hetan. Tamba ne'e elementu ne'e asume postu ka diviza ne'ebe boot no lidera iha kargu importante ruma iha instituisaun PNTL nia laran maibe la bele halo nia funsaun ho diak tuir lei ne'ebe difini iha rejime promosaun.

¹⁴ Mahein nian Lian No.15. Rekrutamentu ba PNTL: Dalan Naruk ba Profesionalismu.p5

¹⁵ Fontes Entrevista husi PNTL. Tersa 05 Julu 2011

¹⁶ Mahein nian Lian No.15. Rekrutamentu ba PNTL: Dalan Naruk ba Profesionalismu.p6.
<http://www.fundasaunmahein.wordpress.com>

¹⁷ Dekretu Lei N.º 16 /2009 de 18 de Marsu. Rejime Promosaun Polísia Nasional Timor-Leste Nian

Iha sorin seluk, akademia formasaun PNTL sei iha deit Instrutor ba formasaun Ajente, seidak iha Instrutor ba formasaun ofisial superior,¹⁸ ofisial inspetor no sarjentu.¹⁹ Tamba ne'e elementu PNTL bele promovidu ba postu superior ka sarjentu ruma maibe la iha formasaun akademiku ne'ebe adekuaudu ba postu ka diviza ne'ebe nia hetan. FM rekomenda katak importante tebes edukasaun no formasaun ba elementu PNTL sira atu hasa'e sira nia kapasidade no hatene lolos sira nia knaar nudar polisia ne'ebe profesional. Nune'e mos formasaun ba diviza ne'ebe elementu ida promove ba.

3. Rekrutamentu

Rekrutamentu PNTL²⁰ iha tempu UNTAET husi tinan 2000 numeru PNTL hamutuk 2530 depois Rekruta tan 253 iha 31 Marsu 2003 no iha tinan 2004 rekruta mos ajente foun hodi kompleta ba numeru hamutuk 3200²¹ husi permeiru governu konstitusional. Rekrutamentu PNTL iha 2011 ba PNTL foun hamutuk 250 ne'ebe sei fahe ba distritu sira no prioridade ba feto hodi promove igualidade generu,²² ne'ebe sei iha prosesu rekrutamentu nia laran.

Husi numeru total elementu PNTL ne'ebe sei ativu hamutuk 3149.²³ Husi total numeru ne'ebe iha fahe ba komando distrital, unidade polisiamentu no departamentu sira. No kolokasaun elementu PNTL tuir risku siguransa ba komunidadade no total populasaun iha distritu.²⁴

Iha tinan 2011 governu liu husi Sekretaria Estadu Siguransa (SES) ho Komando PNTL hahu rekrutamentu ba ajente PNTL hamutuk 250 ne'ebe sei iha prosesu rekrutamentu nia laran. Bazeia prosesu lei rekrutamentu polisia foun, hetan despaisu No.30/2011 husi SES konaba lei rekrutamentu. Bazeia estimasaun ba rekrutamentu 2011, kada distritu sei presiza tuir numeru populasaun²⁵, hanesan iha tabela tuir mai ne'e:

¹⁸ Kategoria Ofisial Superior iha nivel diviza PNTL nian mak hanesan Komisairiu, Superintendenti Xefe, Superintendenti no Superintendenti Asistente.

¹⁹ Intervista ho Xefe Departamentu Administrasaun no Planeamentu, PNTL. Loron Kuarta 29 Juñu 2011

²⁰ 27 Marsu 200, Rekrutamentu hosi CIVPOL

²¹ Mahein nian Lian No 15, Rekrutamentu ba PNTL: Dalan Naruk ba Profesionalismu.p2.

<http://www.fundasaunmahein.wordpress.com>

²² Jornal Independente. Sesta 03 Juñu 2011.p1

²³ Dadus Estatistika PNTL ba numeru Atual PNTL nian, Tinan 2011.

²⁴ Jornal Independente. Sesta 03 Juñu 2011.p1

²⁵ <http://timorlorosaenacaodiario.blogspot.com/2011/02/7-febreiru-hahu-fahe-formulariu-polisia.html>

Total Ajente PNTL nebe Rekruta iha tinan 2011 ba Distritu 13.

Distritu	Total PNTL Kada Distritu
Aileu	15
Ainaro	17
Baucau	23
Bobonaro	20
Covalima	17
Dili	36
Ermera	23
Lautem	17
Liquica	17
Manatuto	15
Manufahi	15
Oecusse	17
Viqueque	18
Total	250

Fontes: Departamentu Rekursu Humanu PNTL, 16 Juñu 2011

Husi kondisaun real risku siguransa ba komidade no numeru populasaun iha distritu, karik ida ne'e nudar ejijensia ba rekrutamentu polisia foun hodi responde ba ejijensia ne'ebe iha. Iha sorin seluk tamba ho idade elementu PNTL balu besik reforma ona presiza rekruta membru foun, liu-liu ba foin sa'e sira, atu bele aseguara prosesu ida ne'ebe diak liu ba kontinuidade PNTL nian.²⁶ Maibe esperiensia lubuk ida ita hakat liu dadauk ona katak hahu husi rekrutamentu premeiru iha administrasaun UNTAET nia tempu no rekrutamentu ne'ebe lidera rasik husi governu Timor-Leste partikularmente Ministeriu ne'ebe responsabliza no komando PNTL. Iha altura neba elementu ne'ebe rekrutadu tuir formasaun ne'ebe ho tempu badak (fulan tolu) no elementu husi eis POLRI (Polisi Republik Indonesia) ne'ebe iha esperiensia servisu polisiamentu. Formasaun ne'ebe sai prekupasaun ba entidade tomak iha Timor-Leste ne'ebe kestiona profesionalismu PNTL nian ne'ebe dalaruma iha sira nian atuasaun mosu aktus violentus hasoru komidade.

FM nia prekupasaun mak durasaun formasaun ba elementu PNTL ne'ebe sei rekruta karik formasaun saida mak sei fornese ba sira no sira sei halo saida? Ka ho rekrutamentu ne'e atu troka deit elementu ne'ebe besik reforma ona no atu promove igualdade jeneru iha

²⁶ http://benvindodezenvolvimentu.blogspot.com/2011_05_01_archive.html

instituisaun PNTL nia laran. Esperiansia lubuk ida ita hakat liu ona, **FM rekomenda katak** ho rekrutamentu foun ida ne'e presiza hasa'e koñesementu ba ajente ne'ebe tuir formasaun iha futuru tuir mos nivel edukasaun. No modelu formasaun presiza tuir kontestu sosial no kultura sociedade Timor-Leste. Formasaun ne'ebe orienta atu kria parseiru ho komidade, hela hamutuk ho komidade, servisu hamutuk ho komidade.

4. Infraestrutura

Tuir vizaun 2030 dezenvolvimentu area siguransa nian ne'ebe difini katak dezenvolvimentu husi faze ida ba faze seluk mak Premeiru (2011-2015) hametin no konsilida baze. Segundu (2016-2020) habelar no dezenvolve siguransa interna. Terseiru (2021-2025) hametin baze ba paz no estabilidade. *Kuartu* (2026-2030) serbi diak liu komidade.²⁷ Iha premeiru faze governu halo investimentu ba infraestrutura baziku nudar kondisaun minimu ba PNTL atu nune'e fasilita diak liu servisu polisia nian.²⁸ Liu husi koperasaun *Timor-Leste Project Development Program* (TLPDP) apoiu halo sentru formasaun, konstrusaun armajen ka fatin komunikasaun ba PNTL.²⁹

Maibe kestaun infraestrutura sai nafatin dezafiu ba servisu PNTL nian tantu iha nivel komando jeral, distritu no subdistritu. Hahu husi formasaun PNTL iha tinan 2000 to'o agora kontinua uza infraestrutura hanesan edifisiu ne'ebe governu Indonezia husik hela. Iha tinan 2011 hahu konstrusaun ba edifisiu komando PNTL distrital hat mak edifisiu Komando PNTL Distritu Viqueque, Dili, Manufahi no Ermera tuir prioridade ne'ebe difini ona, nune'e mos ba edifisiu eskwadra PNTL nian iha nivel subdistritu no Postu polisia fronteira nia tama iha pakote referendum iha tinan hirak liu ba, konstrusaun ramata ona.³⁰ Fundasaun Mahein hakfodak ho deklarasaun³¹ ne'e, tamba realidade iha distritu sira ne'ebe refere laiha konstrusaun edefisiu komando PNTL distrital. To'o ohin lora Fundasaun Mahein kontinua kestiona konaba infraestrutura ne'ebe sai sasukat mos ba dezenvolvimentu PNTL nia hanesan kondisaun minimu ne'ebe refere, ne'e sorin ida. Iha sorin seluk, kondisaun minimu ne'ebe prepara dadauk ba servisu polisiamentu, situasaun real PNTL nian kontinua ejje nudar inspeksaun husi Gabinete Inspektor Jeral katak kondisaun hanesan fasilitade,

²⁷ Edisaun 1. Seguransa: Media informasaun no Komunikaun Sekretaria Estadu ba Siguransa. Outubru 2010.p14

²⁸ Entrevista ho Anacleto Ribeiro. Asesor SES ba Asuntu Prevensaun Konfliktu no Jestaun Siguransa. Lora 16 Juñu 2011

²⁹ Jornal Timor Post. Kinta, 19 Maiu 2011.p16

³⁰ Entrevista ho Xefe Departamentu Administrasaun no Planeamentu, PNTL. Lora Kuarta 29 Juñu 2011

³¹ Entrevista ho Xefe Departamentu Administrasaun no Planeamentu, PNTL. Lora Kuarta 29 Juñu 2011

komunikasaun no facilidade sira seluk la naton atu fasilita servisu polisia nian.³² **FM nia rekomendasaun** ba SES hodi tau iha prioridade planu dezenvolvimentu nasional katak kontinua investe ba infraestruturaz baziku PNTL nian, tamba ne'e nudar nesesidade baziku ba servisu polisiamentu.

Obstaklu ba Dezenvolvimentu

1. Rekursu Humanu

Obstaklu boot ba instituisaun PNTL mak rekursu humanu hahu husi tinan 2000 to'o agora, profesionalismu PNTL nia sai nafatin preokupasaun. Iha area ne'ebe integra iha instituisaun PNTL nia laran. Hahu husi formasaun instituisaun PNTL elementu ne'ebe tama iha PNTL mai husi istoria ne'ebe diferente, nivel edukasaun minimu no diferente, esperiensa ne'ebe diferente to'o formasaun polisiamentu ne'ebe ho tempu ne'ebe badak. Alem de ida ne'e formador ne'ebe mai husi nasaun diferente no lingua ne'ebe diferente, situasaun sosial no kultura husi nasaun diferente ne'ebe fornese formasaun ba PNTL iha momentu neba. Situasaun real Timor-Leste oin seluk, oinsa bele adapta iha situasaun sosial no kultura Timor-Leste. Tamba ne'e prezisa formasaun no treinamentu ne'ebe tuir dinamika sosial no kultura iha sosiedade Timor-Leste. Signifika formasaun ne'ebe forma pesoal polisia ne'ebe bele kria parseiru ho komunidadade, buka hatene problema komunidadade nian, fo solusaun ne'ebe imediatu ba komunidadade no kria ambiente dialogu iha sosiedade nian leet.

Nune'e mos iha aspetu legal nian rekursu humanu nudar obstaklu boot ida iha instituisaun PNTL nia laran. Ho nivel edukasaun ne'ebe minimu, oinsa bele interpreta lei ruma, oinsa bele halo investigasaun ba aktus kriminal ruma ne'ebe nudar sira nia kompetensia atu hala'o.³³ Rekursu humanu ne'ebe ho koñesementu no kapasidade ne'ebe minimu sai implikasaun boot ba implementasaun lei no ordem. Obstaklu ida ne'e nudar dezafiu boot ba dezenvolvimentu instituisaun PNTL hahu husi formasaun PNTL.³⁴ Iha lidun implementasaun lei, kapasidade interpretasaun ne'ebe ladun klean, koñesementu ba lingua ne'ebe minimu tamba lei hotu-hotu produz ho lian Portugues.

Iha sorin seluk dalabarak rona liu ba ordem no ignora tiha lei, nudar faktus kazu konfliktu ne'ebe komete husi joventude Bairro Pite wainhira polisia ba halo kapturasaun iha tempu

Jornal Suara Timor Lorosa'e. Kuarta 15 Juñu 2011.p2

³³ Entrevista ho Roberto Pacheco. Staff Juis system Monitoring Project. 17 Juñu 2011

³⁴ Entrevista ho Adjunto Diretor Rekursu Humanu, Polisia Nasional Timor-Leste. Iha loron 16 Juñu 2011

kalan, lei la fo dalan maibe rona liu ba ordem.³⁵ FM nia prekupasaun wainhira PNTL no UNPOL ba halo kapturasaun hodi lider politiku nia naran “XANANA GUSMAO” atual Primeiru Ministru hodi amesa comunidade atu halo kapturasaun, iha loron Sesta 10 Juñu 2011 oras 5:20 dader. No comunidade konsidera hanesan asaltu husi PNTL no UNPOL ba sira no comunidade lamenta tebe-tebes ho atusaun ida ne’e.³⁶ FM kestiona katak atusaun ida ne’e la obdese ona ba lei no hakruk fali ba ordem ne’ebe lei rasik la fo dalan. Karik hanesan iha FM nia hanoin lisuk ne’ebe publika liu dadauk katak “Lei mak komadante ka maun abut mak komadante?”³⁷

Dezafiu ba implementasaun lei, implikasaun ba disiplina elementu PNTL no mosu violasaun direitus humanus ne’ebe publiku kestiona profesionalismu PNTL nian. FM hare katak frakeza boot ne’ebe PNTL hasoru mak koñesementu ba lei, liu-liu implementasaun. Tamba ne’e presija kapasitasaun no formasaun rekursu humanu ba area lei nian, direitus humanus no investigasaun nian. Treinamentu direitus humanus husi Ajensia Nasoens Unidas, NGO nasional no internasional maibe susar halo implementasaun.

Husi frakeza ne’ebe deskrebe iha leten, aktus violentu no aktus indisciplinar ne’ebe elementu PNTL komete la iha prosesu ne’ebe klaru, kontinua iha prosesu investigasaun nia laran no la iha justisa ba elementu ne’ebe komete aktus hirak ne’e. Hanesan kazu Valdimir Lebre akontese iha 28 Dezembru 2009 ne’ebe hetan tiru husi elementu PNTL wainhira halo atusaun ba konflitu iha Salaun Delta Nova.³⁸ Nune’e mos kazu sira seluk ne’ebe sei iha prosesu investigasaun nia laran. Frakeza hirak ne’e nudar abut husi nivel edukasaun ne’ebe minimu no hada’et ba prosesu tomak iha PNTL nia laran atu prosesa prosesu legal.

Tabela Kazu Disiplinar sira PNTL nian husu tinan 2007-2011.

Estatistika Kazu Disiplinar PNTL nian tinan 2007-2011						
No	Tipu Kazu no Faze	Total				
		2007	2008	2009	2010	2011
1	01. Instrusaun-Faze 1	1	0	6	151	64
2	01. Instrusaun-Faze 2	0	4	2	3	0
3	01. Instrusaun-Faze 3	0	0	0	0	1
4	01. Instrusaun-Faze 4	0	1	0	2	0
5	05. Desijaun Pendenti	3	3	5	24	6
6	07. Kazu nebe Taka	239	256	145	212	3

³⁵ Intervista ho Roberto Pacheco. Staff Juis system Monitoring Project. 17 Juñu 2011

³⁶ Jornal Suara Timor Lorosa’e. Sabadu 11 Juñu 2011.p1

³⁷ Hanoin Lisuk FM nian: Lei mak Komadante ka Maun Abut mak Komadante.

<http://www.fundasaunmahein.wordpress.com>

³⁸ Relatoriu konaba Direitus Humanus nia iha Timor-Leste: 01 Jullu 2009-30 Juñu 2010.p9

7	09. Pendentu Reviu	2	2	3	0	0
8	10. Investigasaun Preliminariu	2	4	6	19	0
9	11. Asaun Kriminal Pendentu	5	3	1	4	0
10	12. Pendentu ho razaun seluk	3	2	2	1	0
11	13. Arkivu	0	1	3	0	0
12	14. Pendentu ordinariu ba Rekursu	0	4	2	0	0
13	17. Notifikasaun Pendentu	2	26	27	45	1
TOTAL		254	306	207	461	75

Fontes: Departamentu Justisa, PNTL. 06 Jullu 2011

Iha relatoriu ne'e, FM hare ba prosesu legal ne'ebe la'o iha PNTL nia laran ba aktus disiplinar no krimi ne'ebe komete husi elementu PNTL la iha suspensaun ne'ebe publika ba publiku. Nudar ezemplu hatudu dadauk husi F-FDTL, kualker aktus indisiplinar no krimi ruma husi elementu F-FDTL, wainhira hasai elementu ruma husi instituisaun F-FDTL fo sai ba publiku. **FM rekomenda** ba komando PNTL katak instituisaun PNTL tenki hatudu ezemplu nudar mahein ne'ebe ezejuta lei no ordem ba komunidadade no sosiedade tomak. Nune'e mos instituisaun PNTL la bele taka an husi organizasaun sosiedade sivil ne'ebe responsabiliza iha parte lei no direitus humanus nian tamba aktus indisiplinar balu hatene wainhira to'o iha tribunal.³⁹

Husi aktu ne'ebe komete, kontinua akontese tamba la iha prosesu legal ne'ebe forte kesi elementu PNTL husi asaun indisiplinar, nune'e mos aktus sira ne'e kontinua akontese. Prosesu legal ne'ebe la'o iha PNTL nian laran sei iha dezafiu nian laran ba dezenvolvimentu Instituisaun PNTL. Kazu disiplinar husi tinan 2007 to'o 2011 ne'ebe komete husi elementu PNTL hamutuk 1303 no kazu ne'ebe taka deit la iha justifikasaun ne'ebe klaru husi tinan 2007 to'o 2011 hamutuk 855.⁴⁰

Husi numeru ne'ebe iha FM kestiona katak prosesu disiplinar ba aktus disiplinarius seidaik forte atu kesi asaun hirak ne'e. Nune'e mos la iha prosesu ne'ebe atu justifika lolos kazu disiplinar iha prosesu normal tuir lei ne'ebe vigora no kontinua aumenta bebeik. Ida ne'e abut metin ona iha instituisaun PNTL nia laran no impunidade helik hela iha instituisaun ne'ebe nia mandatu hala'o lei no ordem.

FM kestiona nafatin katak iha impunidade tamba kazu disiplinariu sira kontinua prosesu iha prosesu nia laran la iha rejultadu ne'ebe klaru iha justisa nia oin. Faktus hatudu katak liu metade, kazu disiplinarius ne'ebe komete husi elementu PNTL la iha prosesu normal tuir lei,

³⁹ Intervista ho Roberto Pacheco. Staff Juis System Monitoring Project. 17 Juñu 2011

⁴⁰ Estatistika Kazu Disiplinar PNTL 2007-2011. Departamentu Justisa-PNTL, 06 Jullu 2011

hanesan kestiona iha leten katak kazu ne'ebe taka husi tinan 2007-2011 hamutuk 855. FM preokupa tambasa mak kazu hirak ne'e taka no la iha justisa?

Husi abut impunidade nebe kesi ona iha Instituisaun PNTL nia laran FM hare katak futuru bele ameasa ba profesionalismu no kredibilidade instituisaun. No rejulta elementu PNTL la obdese ona ba lei, instituisaun no lideransa ne'ebe lidera instituisaun. Tamba ne'e **FM rekomenda nafatin katak** nesesariamente investe iha setor rekursu humanu nian tuir area servisu ne'ebe integra iha institusaun PNTL nia laran, ne'e sorin ida. Iha sorin seluk prezisa regulamentu ne'ebe forte atu kesi elementu PNTL sira no tenki obdese ba lei no regulamentu ne'ebe hatur ona iha natureza polisiamentu.

2. Fasilidade

Liu husi koperasaun *Timor-Leste Project Development Program* (TLPDP) apoiu lojistika hanesan kama, kulisaun ba polisia komunitaria sira, kareta, konstrusaun ba sentru formasaun, fatin komunikasaun iha Kuartel Jeral, no planu atu harii armajen ba lojistika nasional inkuli fasilidade sira seluk ba servisu PNTL nian.⁴¹

Dalabarak publiku kestiona konaba servisu profesionalismu no asistensia husi PNTL maibe kondisaun minimu la iha atu suporta servisu polisiamentu ne'ebe efektivu.⁴² No pior liu tan iha area rurais, dalaruma akontese konflitu ruma polisia labele halo kapturasaun no suspeitu la'o livre hela ate liu tiha 48 oras hafoin polisia ba halo kapturasaun.⁴³ Tamba ne'e atu garante efektividade servisu ne'ebe fornese ba komunidadade, nesesariamente kondisaun minimu atu apoiu servisu polisia nian tenki iha. Obstaklu hanesan ne'ebe sai prekupasaun komando distrital Distritu Lautem mak fasilidade hodi apoiu servisu siguransa nian.⁴⁴

Iha sorin seluk tuir inspeksaun husi Gabinete Inspesaun Jeral PNTL nian iha distritu 13 ekipamentu no fasilidade difikulta servisu PNTL nian, hanesan servisu operasaun polisia labele utiliza hodi halo prevensaun ba problema ruma ne'ebe akontese. Nune'e mos iha fasilidade ne'ebe fasilita servisu administrasaun nia la iha hanesan printer no makina fotokopia no durante ne'e UNPOL mak fasilita.⁴⁵

⁴¹ Jornal Timor Post. Kinta, 19 Maiu 2011.p16

⁴² Fontes Entrevista husi PNTL. Loron 20 Juñu 2011

⁴³ Entrevista ho Duarte Nunes. Prezidenti Komisaun B, PN. Loron 15 Juñu 2011

⁴⁴ Tempo Semanal. Tersa 21 Juñu 2011.p8

⁴⁵ Jornal Suara Timor Lorasa'e. Kuarta 15 Juñu 2011.p2

Lista Jeral Kareta no Motor PNTL Tinan 2011

No.	Viaturas	Diak	A'at	Total
1	Kareta	237	69	306
2	Motor	366	94	460
3	Ró	11	2	13

Fontes: Departamentu Lojistika, PNTL. 11 Jullu 2011

Lista Kareta no Motor mai husi Apoiou Doadores sira.

No.	Doadores	Viaturas	
		Kareta	Motor
1	GNR-Portugal	20	0
2	AFP-Australia Federal Police	40	0
3	TLPDP (<i>Timor-Leste Project Development Program</i>)	23	66
4	UNFPA	1	0
5	Governu Australia	0	54
6	Governu China	0	10
7	NGO Balarat Australia	0	1
Total		84	131

Fontes: Departamentu Lojistika, PNTL. 11 Jullu 2011

Tabela Kareta no Motor ba Unidade no Komando Distrital sira iha Distritu 13

No.	Unidade no Komando Distritu	Viaturas			
		Kareta		Motor	
		Diak	A'at	Diak	A'at
1	Sentru Formasaun Polisia	8	0	12	0
2	Komando Jeral	74	7	51	10
3	Servisu Imigrasaun	4	3	6	2
4	Unidade Espesial Polisia	48	17	4	10
5	Unidade Maritima	4	2	3	0
6	Unidade Patrllamentu Fronteira	9	0	44	2
7	Aileu	6	1	18	2
8	Ainaro	3	4	14	4
9	Baucau	10	1	21	4
10	Bobonaro	3	5	18	7
11	Covalima	8	2	25	3
12	Dili	20	14	33	6
13	Ermera	8	0	21	4
14	Lautem	7	1	19	4
15	Liquisa	4	3	11	9
16	Manatuto	5	2	22	2
17	Manufahi	4	4	10	8
18	Oecusse	6	1	20	5
19	Viqueque	6	2	14	12
Total		237	69	366	94

Fontes: Departamentu Lojistika, PNTL. 11 Jullu 2011

Husi kolokasaun kareta iha distritu, unidade no departamentu sira iha instituisaun PNTL, FM hare katak la iha balansu ba servisu ne'ebe distina ba tamba servisu barak liu iha distritu sira no iha liña fronteira. Maibe kolokasaun konsentra barak liu iha Dili, Unidade no Departamentu iha Komando PNTL no numeru kiik liu iha distritu sira atu hala'o servisu ne'ebe presiza duni kareta. Hanesan iha liña fronteira, Unidade Polisia Fronteira (UPF) ne'ebe koloka iha Bobonaro, Covalima no Oekusse presiza kareta atu halo operasaun kobre area ne'ebe luan tebe-tebes maibe iha deit kareta 9. Distritu Oekusse iha liu Timor Osidental nia teritoriu maibe iha deit kareta 6, oinsa kontrola fronteira ne'ebe luan iha kedas teritoriu Indonezia nian klaran.

Ne'e kauza ida fo dalan ba ema hakat liu liña fronteira tamba polisia la konsege kontrola area ne'ebe luan. Nune'e mos aktus ilegais sira hanesan komersiu ilegal iha liña fronteira, droga ne'ebe ema hatama liu husi liña fronteira hanesan iha Mahein Nian Lian No.14 konaba operasaun krimi organizadu iha Timor-Leste katak narkoba ne'ebe tama iha Timor-Leste mai husi Indonezia no tama husi fronteira liu husi dalan ilegal, dalabarak liu husi ailaran no fatin ne'ebe polisia la konsege kontrola.⁴⁶

FM kestiona katak oinsa manutensaun ba kareta ne'ebe a'at hamutuk 69 no motor hamutuk 94. No manutensaun halo iha ne'ebe? **FM rekomenda** katak governu, partikularmente Sekretaria Estadu Siguransa fo atensaun maka'as ba problema ida ne'e no tau kondisaun, PNTL iha rasik nia ofisina atu halo manutensaun ba viaturas ne'ebe presiza halo manutensaun, ne'e sorin ida. Iha sorin seluk, no oinsa distribuisaun kombustivel ba kareta PNTL nian. Pior liu kompañia Aitula Fuels hapara forneseменту komvustivel ba PNTL tamba SES la selu komvustivel ne'ebe fornese ba PNTL.⁴⁷

FM rekomenda katak governu toma atensaun ba difikuldade ne'ebe polisia infrenta. Situasaun real ida ne'e nudar dezafiu ne'ebe dezafia servisu baziku polisiamentu atu fornese ba komunidadade. Esperansa husi komunidadade atu servisu polisiamentu tenki iha profesionalismu maibe atu fo asistensia ne'ebe profesional presiza apoiu fasilidade ne'ebe naton. Nune'e FM husu viaturas sira ne'ebe iha PNTL nian laran presiza halo identifikaun tuir tipu viaturas, karik hanesan Pajero hira Jeep hira ne'ebe distribui iha distritu 13 no unidade sira iha Komando PNTL.

⁴⁶ Mahein nian Lian No.14 Operasaun krimi Organizadu iha Timor-Leste. p12. 10 Novembru 2010. <http://www.fundasaunmahein.wordpress.com>

⁴⁷ Jornal Suara Timor Lorosa'e. Sesta 08 Julu 2011.p1

Iha Futuru: Polisia Komunitaria ka Militerizasaun?

Dekretu Lei n.º 16/2009, loron 18 fulan Marsu Lei Organika Polisia Nasional Timor-Leste (PNTL), difini filozofia polisiamentu nian PNTL iha karakteristika polisia komunitaria.⁴⁸ Fundasaun Mahein hakarak provoka definisaun polisia komunitaria ida ne'ebe tuir kontestu Timor-Leste nian. Polisia komunitariu iha Timor-Leste presiza orienta ba prevene konfliktu nebe mosu iha bairo-bairo iha Timor-Leste. Katak polisia komunitaria presiza servisu hamutuk ho komidade.

Polisia komunitaria iha Manufahi, polisia komunitaria ba ajuda komidade halo to'os no mos hadia ateru estrada no mos iha distritu Ermera iha atividades ne'ebe hakbesik ba komidade ku'u kafe no seluk seluk tan.⁴⁹ Difinisaun ba polisia komunitaria katak mak tuir mai ne'e.⁵⁰

1. Polisia komunitaria tenki estabese parseiru efektivu ho komidade, nebe besik liu komidade no bele identifka problema lokal ne'ebe mosu depois fo solusaun.
2. Polisia komunitaria aplika rezulusaun ba problemas. Polisia komunitaria tenki fokus ba problema spesifiku iha area spesifiku no orienta solusaun.
3. Dezenvolve estrutura polisia ne'ebe bele hatene jestaun no desizaun desentraliza nian atu nune'e pesoal polisia komunitaria bele hatene kle'an liu konaba komidade iha kontestual.

Bazea ba definisaun tolu iha leten ne'e polisia komunitaria iha Timor-Leste bele uza hodi sukat no dezenvolve sistema parseiru ho komidade lokal. Tuir relatoiu Organizaun Belun nian hatudu problema barak liu akontense ne'ebe kategoriu ba krime no viola lei, maibe polisia komunitaria seidauk naton atu servisu hamutuk ho lideransa komunitariu.

Sita ba denifisaun tolu iha leten polisia komunitaria iha Timor-Leste oinsa hare problema ne'ebe mosu barak liu mak siguransa ema pesoal duke krime viola lei. Polisia komunitaria aplika atusaun ne'ebe halo prevensaun konfliktu no mos kria sistema ne'ebe oinsa alerta sedu kuandu konfliktu atu hamosu komfrontasoen ruma. Sistema Alerta Sedu hanesan meus komunikasaun ida ne'ebe possibilidade atu kolekta informasaun konaba disputa no area risiko potensial sira ne'ebe mosu iha komidade hodi foti prevene konfliktu.

⁴⁸ Numeru 2, Artigu 1. Lei Organika Polisia Nasional Timor-Leste

⁴⁹ Intervista ho Nelson Belo, Diretor Fundasaun Mahein (FM). Tersa, 05 Julu 2011

⁵⁰ Intervista ho Nelson Belo, Diretor Fundasaun Mahein (FM). Tersa, 05 Julu 2011

Atu liga Sistema Alerta Sedu konaba konfliktus ba komunidadade tenki uza sistema komunikasaun ida ne'ebe diak. Iha fatin balun susar ulun boot komunidadade hatene pesoal polisia komunitaria nia naran no nia numeru telefone. Pior liu tan polisia komunitaria mos la hakbesik ba lideransa komunidadade entau problema seluk bele mosu no susar atu halo identifikasaun. Pur exemplu Kazu Au-hun-Bekora konfrontsaun entre juventude Aldeia Au-hun-Bekora no juventude Bidau-Masaur iha loron 4 Juñu 2011 ne'ebe involve husi elementu PNTL balu ne'ebe ameasa pesoal komunidadade iha area neba.⁵¹ Polisia komunitaria la konsege halo identifikasaun no fo rezulusaun, ikus mai hamosu insiguru ba komunidadade nia moris.

Polisia komunitaria nia polisiamentu sai belun ba komunidadade, atu eveita ke'e sai fali traumatiku komunidadade Timor-Leste ne'ebe liu tinan 24 nia laran hasoru konfliktus kilat, polisia komunitaria persiza haboot polisiamentu kontestual ne'ebe afirma ona iha definisaun iha leten.

Polisia komunitaria nia polisiamentu mos trava polisia para militar nia asaun militaristiku ne'ebe dook los husi polisia nia filozofia. Situasaun real iha Timor-Leste la presiza polisia kaer kilat boot no halo operasaun. Operasaun ba *Ninja* iha Suai-Bobonaro 2010 no mos operasaun ba ema deskuiñesidu ne'ebe naok komunidadade nian animal no halo intimidasaun ba komunidadade iha Kelikai 2011 agora dadauk la'o.

FM hakfodak ba operasaun ne'ebe bolu 88, tambasa mak bolu operasaun 88? Naran operasaun 88 mai husi ne'ebe? Ka kopia naran husi DENSUS 88 POLRI Indonezia nian atu kombate terorismu karik konsidera aktus krimi ne'ebe akontese iha Kelikai hanesan terorismu? Pior liu tan naran operasaun ne'e mai husi Lider sira no mai husi representante povu iha Parlamentu Nasional.⁵² Maibe la iha sentidu ne'ebe refleta ho situasaun ne'ebe amesa ba estabilidade iha fatin refere. Ka naran ne'e representa deputadu sira iha Premeiru Lejislasaun hamutuk 88. Klaru katak Deputadu 88 maka aprova Konstituisaun Republika Demokratika Timor-Leste hanesan ukun fuan ne'ebe aseguira povu nian moris no soberania estadu Timor-Leste. Tamba ne'e wainhira iha agresaun ruma ne'ebe ameasa estabilidade, tantu ameasa husi rai laran ka rai liur ba integridade no soberania estadu Timor-Leste. Automaticamente FALINTIL-FDTL no PNTL tenki asume responsabilidade ida ne'e hodi

⁵¹ Entrevista ho Xefe Aldeia Auhun no komunidadade Aldeia Auhun. 08 Junñu 2011

⁵² Tempo Semanal. Tersa, 05 Jullu 2011.

satan netik. Maibe ba kazu naokten, grupu dekuifnesidu ameara komidade iha Kelikai la refleta ho operasaun ne'ebe bolu Operasaun 88.

Iha historia Timor-Leste operasaun nebe FM sita iha ne'e hanesan Operasaun Halibur iha tinan 2008, Operasaun ba Ninja iha Tinan 2010, Operasaun 88 iha tinan 2011 karik sei iha tan operasaun seluk ne'ebe FM la konsege sita iha ne'e. FM nian hare katak operasaun hanesan kultura ida ne'ebe prega tiha ona hodi atua aktus violentu ruma ne'ebe la hare ba ninia volume kiik ka boot. Normalmente iha estadu ne'ebe deit asaun ne'ebe ameara ba estabilidade nasional konserteza halo duni operasaun. Ka operasaun 88 ne'ebe la'o dadauk iha Subdistritu Kelikai atu hatudu kapasidade militeristiku PNTL nian ba komidade?

FM hare katak kazu ne'ebe akontese iha Kelikai-Baukau, problema sosial ne'ebe la konsege detekta husi lider lokal sira, polisia komunitaria hodi rezolve no ninia impaktu rejulta ba estabilidade komidade nian, ne'e sorin ida. Iha sorin seluk konflitu no kazu ne'ebe akontese iha Kelikai la'os foin akontese maibe akontese bebeik ona desde 2010 maibe la iha asaun preventiva ruma husi lider komunitaria no polisia iha fatin refere.

Tamba ne'e prezisa polisiamentu komunitariu ne'ebe bebeik no halo prevensaun ba situasaun siguransa interna. Nune'e iha atuasaun atu prevene mak hamosu rezulasaun ne'ebe boot liu kapasidade polisia komunitaria nian, mak possibilidade delega ba ministeru ne'ebe kompotente atu fo solusaun imidiatu. Hanesan kazu naok iha Kelikai, lider komunitaria sira no polisia komunitaria prezisa buka hatene ninia abut, tambasa mak mosu naokten? Ho ida ne'e bele rezolve problema refere la'os ho operasaun ne'ebe nia naran boot, psikolojikamente lori traumatiku ba komidade.

Konkluzau

PNTL nia historia ba dalan profesionalismu la'o naruk tebes no neneik los, maibe la'o bebeik. Iha Ministro Interior Rogerio Lobato nia lideransa PNTL side tan ba faksau nebe'e rezulta problema politik no ikus mai monu ba krize militar no paraliza Institusaun PNTL sai naksobu.

Depois krize 2006, dezenvolve hikas fali PNTL ida ne'ebe atu hakruk ba Konstitusaun RDTL deit. No iha altura neba UNPOL tenki asume responsabilidade siguransa interna liu husi akordu suplementar iha lora 1 Dezembru 2006.

Faktu hosi dezvoltovmentu PNTL komesa iha 2007 governu partikularmente Sekretaria estadu siguransa asume responsabilidade ida ne'e. Esforsu lubun boot ne'ebe governu kria dadauk mak lejislasaun foun ba PNTL, infraestrutura, promosaun, rekrutamentu no fasilidade sira seluk hodi apoiu servisu PNTL nian, ne'e sorin ida. Iha sorin seluk, apoiu bilaterais sira ba dezvoltovmentu instituisaun PNTL.

Faktus konkretu ba dezvoltovmentu PNTL mak iha 27 Marsu 2011 PNTL simu hikas responsabilidade siguransa iha teritoriu tomak. Nune'e mos ho politika ba setor siguransa nian hahoris lei no deketu lei sira ne'ebe garante dezvoltovmentu setor siguransa hanesan lei siguransa nasional, lei defeza nasional, lei kareira promosaun PNTL nian no lei sira seluk. Nune'e mos iha estatutu instituisaun PNTL rasik iha nia lei organika nebe haberan tan servisu polisiamentu komunitariu ho komidade.

Maibe dezafiu boot ida iha dezvoltovmentu instituisaun PNTL hasoru mak rekursu humanu, mak limitasaun ba konfiesementu no kapasidade atu jere no administra ho akontabilidade ne'e sorin ida. Iha sorin seluk, fasilidade ne'ebe la suficiente atu apoiu servisu PNTL nian tantu iha nivel Komando Jeral no Komando Distrital.

Tamba ne'e governu partikularmente Sekretaria Estadu Siguransa nesesariamente investe iha area rekursu humanu atu hasa'e kapasidade no konfiesementu PNTL nian liu husi edukasaun no treinamentu, iha rai laran ka koperasaun bilaterais sira. Atu profesionaliza servisu PNTL nian. Nune'e mos kria kondisaun ka fasilidade ne'ebe suficiente ba servisu PNTL nudar ejijensia urjente ba nesesidade PNTL nian.

Fundasaun Mahein, hein katak governu persiza fo atensaun makas ba formasaun polisia komunitariu hodi hasai polisia para militar sai polisia ne'ebe maluk ba povu no asaun prevensaun konfliktus.

Fundasaun Mahein mos, hein katak tulun ne'ebe nasaun bilateral sira fo mos atu kontinua fokus ba area importante sira ne'ebe PNTL persiza dezvoltolve. Suporta masimu iha aspeitu hotu hotu kontinua husu konsulta ba Timor oan sira. Hodi konsulta no suporta ba Timor oan sira bele fortifika na'in rasik ka *local ownership* ba institusaun PNTL ne'ebe Timor oan rasik mak harii, Timor oan rasik mak kaer no ezekuta tuir Timor oan nia regra ne'ebe hakerek ona iha Konstitusaun RDTL.

Fontes Dokumentu :

Artigu 1. Lei Organika Polisia Nasional Timor-Leste.

Numeru 1, Artigu 1. Lei Organika Polisia Nasional Timor-Leste.

Mahein nian Lian No.15. Rekrutamentu ba PNTL: Dalan Naruk ba Profesionalismu.

Relatoriu konaba Direitus Humanus nia iha Timor-Leste: 01 Jullu-30 Juñu 2010.

Akordu Suplementar. Dili 01 Dezembru 2006.

Dekretu Lei N.º 16 /2009 de 18 de Marsu. Konaba Rejime Promosaun Polisia Nasional Timor-Leste nian.

Edisaun 1. Seguransa: Media informassaun no Komunikasaun Sekretaria Estadu ba Siguransa. Outubru 2010.

Dadus Estatistika PNTL ba Numeru Atual PNTL nian, Tinan 2011.

Dadus Estatistika ba Numeru Viaturas PNTL nian. Departamentu Lojistika PNTL. 11 Jullu 2011.

Dekretu Lei N.º 16 /2009 de 18 de Marsu. Rejime Promosaun Polisia Nasional Timor-Leste Nian.

Komadante PNTL Manufahi ho Komadante PNTL Ermera (Nov.2010).

Sensu Populasaun no Uma-Kain, 2010.

Fontes Entrevista

Entrevista ho Duarte Nunes. Prezidenti Komisaun B, Parlamentu Nasional. 15 Juñu 2011.

Entrevista ho Nelson Belo, Diretor Fundasaun Mahein (FM). Tersa, 05 Jullu 2011

Fontes Entrevista husi UNPOL. Loron 14 Juñu 2011.

Fontes Entrevista husi PNTL. Loron 20 Juñu 2011.

Entrevista ho Anacleto Ribeiro. Loron 16 Juñu 2011 2011.

Entrevista ho Adjunto Diretor Rekursu Humanu, Polisia Nasional Timor-Leste. Iha loron 16 Juñu 2011.

Entrevista ho Gordon Peake. Peritus ba Area siguransa no Polisiamentu. 20 Juñu 2011.

Entrevista ho Roberto Pacheco. Staff Juis System Monitoring Project. 17 Juñu 2011.

Entrevista ho Diretor *Yayasan Hak*, Rogeiro Viegas. Loron 14 Juñu 2011.

Entrevista ho Xefe Departamento Administrasaun no Planeamentu, PNTL. Loron Kuarta 29 Juñu 2011.

Entrevista ho Xefe Aldeia Auhun-Bekora no comunidade Aldeia Auhun. 08 Juñu 2011.

Jurnal

Jornal Timor Post. Kinta, 19 Maiu 2011.
Jornal Suara Timor Lorosa'e. Kuarta, 15 Juñu 2011
Jornal Suara Timor Lorosa'e. Tersa, 17 Maiu 2011.
Jornal Suara Timor Lorosa'e. Sabadu, 11 Juñu 2011.
Jornal Suara Timor Lorosa'e. Sesta, 30 Juñu 2011.
Jornal Suara Timor Lorosa'e. Sesta 08 Jullu 2011
Tempo Semanal. Tersa, 21 Juñu 2011.
Tempo Semanal. Tersa, 05 Juñu 2011.
Jornal Independente. Sesta, 03 Juñu 2011.

Links

<http://www.fundasaunmahein.wordpress.com>

<http://www.etan.org/et2006/april/22/28army.htm>

<http://timorlorosaenacaodiario.blogspot.com/2011/02/7-febreiru-hahu-fahe-formulariu-polisia.html>

http://benvindodezenvolvimentu.blogspot.com/2011_05_01_archive.html